

漢書

德懋春

伏侯宋蔡馮趙牟韋列傳第十六

後漢書二十六

唐章懷太子賢注

伏湛字惠公琅邪東武人也九世祖勝字子賤所謂濟南伏生者也湛高祖父孺武帝時客授東武因家焉父理為當世名儒曰詩授成帝為高密太傅別自名學為高密王寬傳也寬武帝玄孫廣陵王胥後也前書儒林傳曰伏理字君游受詩於匡衡由是齊詩有匡伏之學故言別自名學也湛性孝友少傳父業教授數百人成帝時已父任為博

士弟子五遷至王莽時為繡衣執法

武帝置繡衣御史王莽改御史曰執法故曰繡衣執法也

使督大姦

遷後隊屬正

王莽改河內為後隊

更始立已為平原太守時倉卒兵起天下驚

擾而湛獨晏然教授不廢謂妻子曰夫一穀不登國君徹膳

禮記曰年穀不

登君膳不祭肺

今民皆飢奈何獨飽乃共食麤糲

糲麤米也九章算術曰粟五十糲率三十一斛粟得六斗米為糲也

悉

分奉祿已賑鄉里來客者百餘家時門下督素有氣力謀欲為湛起兵湛惡其惑眾即收斬之徇首城郭已示百姓於是吏人信向

郡內已安平原一境湛所全也光武即位知湛名儒舊臣欲令幹

任內職幹主也徵拜尚書使典定舊制時大司徒鄧禹西征關中帝已

湛才任宰相拜為司直行大司徒事車駕每出征伐常留鎮守總

攝羣司建武三年遂代鄧禹為大司徒封陽都侯陽都縣名屬城陽國故城在今沂州沂水縣東

時彭寵反於漁陽帝欲自征之湛上疏諫曰臣聞文王受命而征

伐五國五國謂西伯受命伐大夷伐密須伐耆伐邾崇見史記必先詢之同姓然後謀之羣臣加占著

龜已定行事書曰謀及卿士謀及卜筮又曰文王唯十用克綏受茲命詩大雅曰爰始爰謀爰契我龜故謀則成卜則吉戰則

勝其詩曰帝謂文王詢爾仇方同爾兄弟已爾鉤援與爾臨衝已

伐崇墉詩大雅也仇匹也鉤援梯所引上城也臨臨車也衝衝車也墉城也崇侯倡紂為無道故伐焉崇國城守先退後伐左氏傳曰文王

聞崇德亂而伐之軍三旬而不降退修政而復伐之因壘而降所已重人命俟時而動故參分天下而有其

二陛下承大亂之極受命而帝興明祖宗出入四年而滅檀鄉制

五校降銅馬破赤眉誅鄧奉之屬不為無功今京師空匱資用不

足未能服近而先事邊外且漁陽之地逼接北狄黠虜困迫必求其助又今所過縣邑尤爲困乏種麥之家多在城郭聞官兵將至當已收之矣大軍遠涉二千餘里士馬罷勞轉糧艱阻今兗豫青冀中國之都而寇賊從橫未及從化漁陽已東本備邊塞地接外虜貢稅微薄安平之時尚資內郡況今荒耗豈足先圖而陛下捨近務遠棄易求難四方疑怪百姓恐懼誠臣之所惑也復願遠覽文王重兵博謀近思征伐前後之宜顧問有司使極愚誠采其所長擇之聖慮已中土爲憂念帝覽其奏竟不親征時賊徐異卿等異卿卽獲索賊帥徐少也萬餘人據富平連攻之不下富平縣名屬平原郡故城今棧州厭次縣也唯云願降司徒伏公帝知湛爲青徐所信向遣到平原異卿等卽日歸降護送洛陽湛雖在倉卒造次必於文德已爲禮樂政化之首顛沛猶不可違顛沛猶僵仆也是歲奏行鄉飲酒禮遂施行之其冬車駕征張步畱湛

居守時蒸祭高廟

冬祭曰蒸也

而河南尹司隸校尉於廟中爭論湛不舉

奏坐策免六年徙封不其侯邑三千六百戶遣就國

不其縣名屬琅邪郡其首基

後

南陽太守杜詩上疏薦湛曰臣聞唐虞已股肱康文王已多士寧

是故詩稱濟濟書曰良哉

大雅詩曰濟濟多士尚書曰股肱良哉

臣詩竊見故大司徒陽都

侯伏湛自行束修訖無毀玷

說竟也玷缺也自行束修謂年十五以上

篤信好學守死善道經

為人師行為儀表前在河內朝歌及居平原

朝歌河內縣名也故城在今衛州衛縣西王莽改河內為後隊

謂湛為隊屬正也

吏人畏愛則而象之遭時反覆不離兵凶秉節持重有不

可奪之志陛下深知其能顯已宰相之重眾賢百姓仰望德義微

過斥退久不復用有識所惜儒士痛心臣竊傷之湛容貌堂堂國

之光暉

堂堂盛威儀也

智略謀慮朝之淵藪髣髴厲志白首不衰

埤蒼曰髣髴也髣髴謂童子垂髣髴也

也實足已先後王室名足已光示遠人

先後相導也詩大雅曰予曰有先後先音先見反後音胡口反

古者

選擢諸侯已為公卿是故四方回首仰望京師

左傳曰鄭武公莊公為平王卿士東觀記曰詩上書

武公莊公所以砥礪蕃屏勸進忠信
令四方諸侯咸樂回首仰望京師

柱石之臣宜居輔弼

杜石承棟梁也前書曰延年曰將軍爲國柱石尚書大傳

曰古者天子必有四鄰前曰疑後曰承左曰輔右曰弼天子有問無以對責之疑可志而不志責之承可正而不正責之輔可揚而不揚責之弼

出入禁門補缺

拾遺臣詩愚慙不足已知宰相之才竊懷區區敢不自竭臣前爲

侍御史上封事言湛公廉愛下好惡分明累世儒學素持名信經

明行修通達國政尤宜近侍納言左右舊制九州五尚書令一郡

二人

蓋舊制九州共選五人以任尚書令則一郡乃有二人故欲以湛代一人之處

可已湛代頗爲執事所非但臣詩

蒙恩深渥所言誠有益於國雖死無恨故復越職觸冒已聞十三

年夏徵敕尚書擇拜吏日未及就位因譙見中暑病卒賜祕器帝

親弔祠遣使者送喪修冢二子隆翁翁嗣爵卒子光嗣光卒子晨

嗣

東觀記曰晨尚高平公主

晨謙敬博愛好學尤篤已女孫爲順帝貴人奉朝請位

特進卒子無忌嗣亦傳家學博物多識順帝時爲侍中屯騎校尉

永和元年詔無忌與議郎黃景校定中書五經諸子百家藝術

中書

內之中書也藝文志曰諸子凡一百八十九家言
百家舉其成數藝謂書數射御術謂醫方卜筮

元嘉中桓帝復詔無忌與黃景

崔寔等共撰漢記又自采集古今刪著事要號曰伏侯注

其書上自黃帝下盡

漢質帝為八卷見行于今

無忌卒子質嗣官至大司農質卒子完嗣尚桓帝女陽安

長公主女為孝獻皇后曹操殺后誅伏氏國除初自伏生已後世傳經學清靜無競故東州號為伏不鬪云

隆字伯文少已節操立名

東觀記隆作盛字伯明

仕郡督郵建武二年詣懷宮光

武甚親接之時張步兄弟各擁彊兵據有齊地拜隆為太中大夫

持節使青徐二州招降郡國隆移檄告曰乃者猾臣王莽殺帝盜

位宗室興兵除亂誅莽故羣下推立聖公已主宗廟而任用賊臣

殺戮賢良三王作亂盜賊從橫忤逆天心

三王見聖公傳

卒為赤眉所害皇

天祐漢聖哲應期陛下神武奮發已少制眾故尋邑已百萬之軍

潰散於昆陽王郎已全趙之師土崩於邯鄲

全趙謂舉趙之地

大彤高胡望

旗消磨鐵脛五校莫不摧破梁王劉永幸曰宗室屬籍爵為侯王

不知厭足自求禍棄遂封爵牧守造為詐逆今虎牙大將軍屯營

十萬已拔睢陽劉永奔迸家已族矣此諸君所聞也不先自圖後

悔何及青徐羣盜得此惶怖獲索賊右師郎等六校即時皆降

為古張步遣使隨隆東觀記步遣兵掾孫昱隨之詣闕上書獻鰓魚

郭璞注三蒼云鰓似蛤偏著石廣志曰鰓無鱗有殼一面

附石細孔雜雜成七或九本草云石決明一名鰓魚音步角反其冬拜隆光祿大夫復使於步并與新除青

州牧守及都尉俱東詔隆輒拜令長呂下降招懷綏緝多來降附

帝嘉其功比之酈生酈生酈食其也說齊王廣下齊七十餘城食其音異基即拜步為東萊太守而劉

永亦復遣使立步為齊王步貪受王爵允豫未決允音以今反隆曉譬曰

高祖與天下約非劉氏不王今可得為十萬戶侯耳步欲畱隆與

共守二州隆不聽二州青州徐州也求得反命步遂執隆而受永封隆遣間使上書曰臣隆奉使無狀言罪大也受執凶逆雖在困厄授命不顧又吏

人知步反畔心不附之願已時進兵無已臣隆爲念臣隆得生到

關廷受誅有司此其大願若令沒身寇手已父母昆弟長累陛下

累託也音力僞反

陛下與皇后太子永享萬國與天無極帝得隆奏召父湛

流涕已示之曰隆可謂有蘇武之節

武帝時蘇武使匈奴會衛律所將降者陰相與謀劫單于母閼氏歸漢事發單于使

衛律考其事召武受辭武不屈節引佩刀自刺單于欲降武武不降杖節牧羊海上臥起操持節節盡落在匈奴中十九年乃得歸漢見前書也恨不且許而遽

求還也其後步遂殺之時人莫不憐哀焉五年張步平車駕幸北

海詔隆中弟咸收隆喪賜給棺斂太中大夫護送喪事詔告琅邪

作家曰子瑗爲郎中

侯霸字君房河南密人也族父淵已宦者有才辯任職元帝時佐

石顯等領中書號曰大常侍成帝時任霸爲太子舍人

漢官儀曰太子舍人選良家子

孫秩二

霸矜嚴有威容家累千金不事產業篤志好學師事九江太

守房元治穀梁春秋爲元都講

東觀記曰從鍾寧君受律也

王莽初五威司命陳崇

舉霸德行遷隨宰

王莽置五威司命將軍又改縣令長曰宰隨縣名屬南陽郡今隨州縣也

縣界曠遠濱帶江湖而

亡命者多為寇盜霸到即案誅豪猾分捕山賊縣中清靜再遷為

執法刺姦

王莽傳曰置執法左右刺姦選能吏侯霸等分督六尉六隊如漢刺史

糾案執位者無所疑憚後為淮

平大尹政理有能名

王莽改臨淮郡為淮平

及王莽之敗霸保固自守卒全一郡

更始元年遣使徵霸

東觀記曰遣謁者侯盛荆州刺史費遂齎璽書徵霸

百姓老弱相攜號哭遮使

者車或當道而臥皆曰願乞侯君復畱暮年民至乃戒乳婦勿得

舉子侯君當去必不能全使者慮霸就徵臨淮必亂不敢授璽書

具曰狀聞會更始敗道路不通建武四年光武徵霸與車騎會壽

春拜尚書令時無故典朝廷又少舊臣霸明習故事收錄遺文條

奏前世善政法度有益於時者皆施行之每春下寬大之詔奉四

時之令皆霸所建也

月令春布德行慶施惠下人故曰寬大奉四時謂依月令也

明年代伏湛為大司徒

封關內侯在位明察守正奉公不回十三年霸薨帝深傷惜之親

自臨弔下詔曰惟霸積善清絜視事九年漢家舊制丞相拜日封

爲列侯

漢自高祖以列侯爲丞相武帝以元勳佐命皆盡拜公孫弘爲丞相封平津侯因以爲故事

朕曰軍師暴露功臣未封

緣忠臣之義不欲相踰未及爵命奄然而終嗚呼哀哉於是追封

謚霸則鄉哀侯食邑二千六百戶子昱嗣臨淮吏人共爲立祠四

時祭焉呂沛郡太守韓歆代霸爲大司徒歆字翁君南陽人曰從

攻伐有功封扶陽侯好直言無隱諱帝每不能容嘗因朝會聞帝

讀隗囂公孫述相與書歆曰亡國之君皆有才桀紂亦有才帝大

怒曰爲激發歆又證歲將飢凶指天畫地言甚剛切坐免歸田里

帝猶不懌復遣使宣詔責之司隸校尉鮑永固請不能得歆及子

嬰竟自殺歆素有重名死非其罪眾多不厭

厭音一葉反

帝乃追賜錢穀

曰成禮葬之

成禮具禮也言不以非命而降其葬禮

後千乘歐陽歆清河戴涉相代爲大司

徒坐事下獄死自是大臣難居相任其後河南蔡茂京兆王況

王音肅

魏郡馮勤皆得薨位況字文伯性聰敏為陳畱太守已德行化人

遷司徒四年薨昱後徙封於陵侯

於陵縣名屬濟南郡故城在今淄州長山縣南

永平中兼太僕

昱卒子建嗣建卒子昌嗣

宋弘字仲子京兆長安人也父尚成帝時至少府哀帝立已不附

董賢違忤抵罪弘少而溫順哀平間作侍中王莽時為共工

王莽改少府曰

其工赤眉入長安遣使徵弘逼迫不得已行至渭橋自投於水家人

救得出因佯死獲免光武即位徵拜太中大夫建武二年代王梁

為大司空封栒邑侯

栒音拘

所得租奉分贍九族家無資產已清行致

稱徙封宣平侯帝嘗問弘通博之士弘乃薦沛國桓譚才學洽聞

幾能及揚雄劉向父子

幾音祈洽浹洽也幾近也前書班固曰谷永經書汎為疏達不能浹洽如劉向父子及楊雄也故弘引焉

於是召

譚拜議郎給事中帝每讌輒令鼓琴好其繁聲弘聞之不悅悔於

薦舉同譚內出正朝服坐府上遣吏召之譚至不與席而讓之曰

吾所已薦子者欲令輔國家已道德也而今數進鄭聲已亂雅頌

非忠正者也

論語孔子曰惡鄭聲之亂雅樂也史記曰鄭音好濫淫志也

能自改邪將令相舉已法乎譚

頓首辭謝良久乃遣之後大會羣臣帝使譚鼓琴譚見弘失其常

度帝怪而問之弘乃離席免冠謝曰臣所已薦桓譚者望能已忠

正導主而令朝廷耽悅鄭聲臣之罪也帝改容謝使反服其後遂

不復令譚給事中弘推進賢士馮翊桓梁三十餘人或相及爲公

卿者

及猶繼也

弘當讌見御坐新屏風圖畫列女帝數顧視之弘正容言

曰未見好德如好色者帝卽爲徹之笑謂弘曰聞義則服可乎對

曰陛下進德臣不勝其喜時帝姊湖陽公主新寡帝與其論朝臣

微觀其意主曰宋公威容德器羣臣莫及帝曰方且圖之後弘被

引見帝令主坐屏風後因謂弘曰諺言貴易交富易妻人情乎弘

曰臣聞貧賤之交不可忘糟糠之妻不下堂帝顧謂主曰事不諧

矣弘在位五年坐考上黨太守無所據免歸第言無罪狀可據數年卒無子

國除弘弟嵩已剛彊孝烈著名官至河南尹嵩子由章和間為太

尉坐阿黨竇憲策免歸本郡自殺由二子漢登登在儒林傳漢字

仲和已經行著名舉茂才四遷西河太守永建元年為東平相度

遠將軍為東平王蒼曾孫端相也立名節已威恩著稱遷太僕上病自乞拜太中大

夫卒策曰太中大夫宋漢清修雪白正直無邪前在方外仍統軍

實仍頻也統領也軍實謂軍之所資也左傳曰隳軍實懷柔異類莫匪嘉績戎車載戢邊人用寧子

錄乃勳引登九列因病退讓守約彌堅將授三事未克而終朝廷

慙悼恒其愴然詩不云乎肇敏戎功用錫爾祉大雅江漢之詩也古甫美宣王能興衰撥亂命召公

平淮夷毛萇注云肇謀也敏疾也戎大也功事也祉謂福慶其令將相大夫會葬加賜錢十萬及其在賓

已全素絲羔羊之潔焉詩國風曰羔羊之皮素絲五純退食自公委蛇委蛇退食滅膳也言卿大夫皆衣羔羊之裘素絲自滅膳食從於公事行步委

蛇自得子則字元矩為鄢陵令亦有名迹拔同郡韋著扶風法真稱為

知人則子年十歲與蒼頭共弩射蒼頭弦斷矢激誤中之即死奴叩頭就誅則察而恕之潁川荀爽深已為美時人亦服焉

論曰中興已後居台相總權衡多矣其能已任職取名者豈非先遠業後小數哉遠業謂德禮小數謂名法也故惠公造次急於鄉射之禮君房入朝

先奏寬大之令夫器博者無近用道長者其功遠蓋志士仁人所為根心者也根猶本也君子已之得固貴矣已之失亦得矣以之得謂行道義而得固可貴矣以

之失謂行道義而失亦為得也宋弘止繁聲戒淫色其有關雎之風乎詩序曰關雎樂得淑女以配君子憂在進賢不淫其色也

蔡茂字子禮河內懷人也哀平間已儒學顯徵試博士對策陳災異已高等擢拜議郎遷侍中遇王莽居攝已病自免不仕莽朝會天下擾亂茂素與竇融善因避難融之融欲已為張掖太守固辭不就每所餉給計口取足而已後融俱徵復拜議郎再遷廣漢

太守有政績稱時陰氏賓客在郡界之犯吏禁茂輒糾案無所回
避會洛陽令董宣舉糾湖陽公主帝始怒收宣旣而赦之茂喜宣
剛正欲令朝廷禁制貴戚乃上書曰臣聞興化致教必由進善康
國寧人莫不理惡陛下聖德係興再隆大命卽位已來四海晏然
誠宜夙興夜寐雖休勿休然頃者貴戚椒房之家數因恩執干犯
吏禁殺人不死傷人不論臣恐繩墨棄而不用繩墨論章程也斧斤廢而不

舉

斧斤謂刑戮也賈誼曰釋斤斧之用也

近湖陽公主奴殺人西市而與主共輿出入宮省

逋罪積日寃魂不報洛陽令董宣直道不顧干主討姦陛下不先
澄審召欲加箠當宣受怒之初京師側耳及其蒙宥天下拭目今
者外戚憍逸賓客放濫宜敕有司案理姦罪使執平之吏永申其
用已厭遠近不緝之情光武納之也緝叶建武二十年代戴涉爲司徒
在職清儉匪懈二十三年薨于位時年七十二賜東園梓棺賻贈